

ქ. ახალციხე

10 მაისი 2018 წელი

ერთის მხრივ, ახალციხის მუნიციპალიტეტის თვითმმართველი ერთეული (ქ. ახალციხე, კოსტავას ქ. №18, ს/ნ 224101317), წარმოდგენილი მერის ზაზა მელიქიძის სახით, შემდგომში - შემსყიდველი და მეორე მხრივ, შპს „პენსან ჯორჯია“ შემდგომში - მიმწოდებელი, (ქ. თბილისი, თამარ მეფის გამზ. N18, ს/ნ 6404870760) წარმოდგენილი დირექტორის, გიგა გოგიანიძის სახით (ორივე წილებული, როგორც „მხარეები“), ველმდვანელობთ რა, საქართველოს მოქმედი კანონმდებლობით, მათ შორის, „სახელმწიფო შესყიდვების შესახებ“ საქართველოს კანონის 20² მუხლით, სახელმწიფო შესყიდვების სააგენტოს თავჯდომარის 2015 წლის 20 მარტის N2 ბრძანებით დამტკიცებული „A4 ფორმატის პირველი ხარისხის საბეჭდი ქაღალდის კონსოლიდირებული ტენდერის ჩატარების წესისა და პირობებით“, აგრეთვე „2018 წლის საბეჭდი ქაღალდის სახელმწიფო შესყიდვის კონსოლიდირებული ტენდერის საშუალებით განხორციელების თაობაზე“ საქართველოს მთავრობის 2017 წლის 4 დეკემბრის N2531 განკარგულებით და საბეჭდი ქაღალდის 2018 წლის კონსოლიდირებული ტენდერის (№CON170000117) პირობებით (შემდგომში - „კონსოლიდირებული ტენდერი“) ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1. ხელშეკრულების საგანს წარმოადგენს, „შემსყიდველის“ მიერ 2018 წლის სახელმწიფო ბიუჯეტიდან მიღებული თანხის ფარგლებში, A4 ფორმატის, პირველი ხარისხის საბეჭდი ქაღალდის (CPV30197630) შესყიდვა.
- 1.2. საქონლის დასახელება, აღწერა, რაოდენობა, ერთეულის ფასი და საერთო ფასი მოცემულია N1 დანართში, რომელიც დაერთვის წინამდებარე ხელშეკრულებას და წარმოადგენს მის განუყოფელ ნაწილს.

2. ხელშეკრულების ღირებულება

- 2.1. ხელშეკრულების ღირებულება შეადგენს 1102,50 (ერთი ათას ას ორი ლარი და 50 თეთრი) ლარი.
- 2.2. ხელშეკრულების ღირებულება, მოიცავს საქართველოს მოქმედი კანონმდებლობით დადგენილ ყველა გადასახადს/მოსაკრებელს/სახდელს, რომლის გადახდა ეკისრება „მიმწოდებელს“.

3. საქონლის მიწოდების პირობები

- 3.1. გამარჯვებული პრეტენდენტი ვალდებულია მისი გამარჯვებულად გამოვლენიდან 1 კვირის შემდეგ, შემსყიდველი ორგანიზაციების წერილობითი მიმართვის საფუძველზე, არაუგვიანეს 15 სამუშაო დღისა, დაიწყოს მათთან ხელშეკრულების გაფორმების პროცედურები და ქაღალდის მიწოდება განახორციელოს შემსყიდველი ორგანიზაციის შესაბამისი მოთხოვნიდან, არაუგვიანეს 3 სამუშაო დღისა, თუ ურთიერთშეთანხმების საფუძველზე სხვა რამ არ არის დადგენილი. შემსყიდველმა ორგანიზაციამ წერილობით უნდა მიმართოს გამარჯვებულ მიმწოდებელს ქაღალდის მიწოდების მოთხოვნის თაობაზე. გამარჯვებულმა მიმწოდებელმა უნდა უზრუნველყოს ქაღალდის მიტანა საკუთარი ხარჯებით ქ. თბილისის ტერიტორიაზე, შემსყიდველი ორგანიზაციის მიერ დასახელებულ ერთ მისამართზე, მოთხოვნიდან არაუგვიანეს 3 სამუშაო დღისა და თვეში ერთხელ (თუ ხელშეკრულებით მიტანის სხვა პერიოდულობა არ არის გათვალისწინებული). იმ შემთხვევაში, თუ ერთჯერადად მისაწოდებელი ქაღალდის რაოდენობა ნაკლებია 25 შეკვრაზე, მიმწოდებელი არ არის ვალდებული ქაღალდი მიაწოდოს საკუთარი ხარჯებით. „შემსყიდველის“ მოთხოვნიდან 3 (სამ) სამუშაო დღის განმავლობაში (საქონლის მიწოდების ვადის პირველ დღეს წარმოადგენს „მიმწოდებლისათვის“ შეტყობინების მიღების დღე). შეტყობინება შეიძლება განხორციელდეს წერილობითი სახით ან ელექტრონული ფოსტის საშუალებით - pensan.georgia@gmail.com
- 3.2. „მიმწოდებლის“ მიერ მიწოდებული საქონლის ხარისხსა და ვარგისიანობაზე სრული პასუხისმგებლობა ევისრება „მიმწოდებელს“.

4. შესყიდვის ობიექტის მიღება-ჩაბარების წესი

- 4.1. შესყიდვის ობიექტის მიღება საქონლის მიწოდებისთანავე ფორმდება „მიღება-ჩაბარების“ აქტის სახით, „მიღება-ჩაბარების“ აქტი ფორმდება წერილობითი ფორმით, მხარეთა უფლებამოსილი წარმომადგენლ(ებ)ის ხელის მოწერით, „მიმწოდებლის“ მიერ წარმოდგენილი სასაქონლო ზედნადების და წარმოდგენილი საგადასახადო ანგარიშ-ფაქტურის შესაბამისი დასაბუთებით.

5. ანგარიშსწორების ფორმა და ვადები

- 5.1. კონსოლიდირებული ტენდერის ფარგლებში საბეჭდი ქაღალდის მიწოდებისას ანგარიშსწორება ხორციელდება უნაღდო ფორმით ეროვნულ ვალუტაში და მოიცავს საქართველოს კანონმდებლობით დადგენილ ყველა გადასახადს. შემსყიდველი ორგანიზაცია ვალდებულია, მიმწოდებლის მიერ საგადასახადო ანგარიშ-ფაქტურის წარმოდგენიდან 10 (ათი) სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი დასაბუთებით.

- 5.2. ანგარიშსწორება განხორციელდება წარმოდგენილი, სასაქონლო ზედნადების, საგადასახადო ანგარიშ-ფაქტურის (თუ ორგანიზაცია დღგ-ს გადამხდელია) და მხარეთა შორის გაფორმებული „მიღება-ჩაბარების“ აქტის საფუძველზე, ყველა ამ დოკუმენტის წარმოდგენიდან 10 (ათი) სამუშაო დღის განმავლობაში.

6. მხარეთა ვალდებულებები

- 6.1. „მიმწოდებელი“ ვალდებულია:

- 6.1.1. მიაწოდოს „შემსყიდველს“ უფლებრივად და ნივთობრივად უნაკლო საქონელი.

- 6.1.2. დროულად განიხილოს „შემსყიდველის“ მიერ წამოჭრილი პრობლემები, რომელიც დაკავშირებულია ხელშეკრულების შესრულებასთან.

6.1.3. „მიმწოდებელი“ ვალდებულია „შემსყიდველის“ მოთხოვნიდან (შეტყობინების მიღებიდან) 10 (ათი) სამუშაო დღის ვადაში, შეცვალოს წუნდებული ან/და ნაკლის მქონე საქონელი „შემსყიდველის“ მხრიდან რაიმე დამატებითი ხარჯის გაწევის გარეშე.

6.1.4. დაიცვას ხელშეკრულებით გათვალისწინებული ყველა პირობა.

6.2. „შემსყიდველი“ ვალდებულია:

6.2.1. უზრუნველყოს „მიმწოდებლისათვის“ თანხის გადახდა ამ ხელშეკრულების პირობების შესაბამისად;

6.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

6.2.3. დაიცვას ხელშეკრულებით გათვალისწინებული ყველა პირობა.

7. მხარეთა უფლებები

7.1. „მიმწოდებელს“ უფლება აქვს:

7.1.1. ხელშეკრულების ფარგლებში მოითხოვოს დროული და სრული დაფინანსება.

7.2. „შემსყიდველს“ უფლება აქვს:

7.2.1. მე-6 მუხლის 6.1. პუნქტის 6.1.3. ქვეპუნქტით გათვალისწინებული ვალდებულებების შეუსრულებლობის შემთხვევაში თავად მიიღოს ზომები ნაკლის აღმოსაფხვრელად და მოსთხოვოს მიმწოდებელს შესაბამისი ხარჯის ანაზღაურება.

7.2.2. აწარმოოს მიწოდებული პროდუქციის რაოდენობისა და შესაბამისობის კონტროლი;

7.2.3. განაცხადოს უარი უხარისხო საქონლის მიღებაზე.

8. ფორს-მაჟორი

8.1. ხელშეკრულების საფუძველზე არც ერთი მხარე არ აგებს პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.

8.2. გადაულახავ ძალად ჩაითვლება შემდეგი (და არა მხოლოდ):

8.2.1. სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

8.2.2. გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;

8.2.3. ეპიდემიები;

8.2.4. ბლოკადა ან ნებისმიერი ეკონომიკური ემბარგო;

8.2.5. ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და ცვლის, წყვეტის ან აჩერებს ხელშეკრულების დებულებებსა და პირობებს.

8.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

8.4. ფორს-მაჟორული მოვლენების წარმოშობის შესახემ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

8.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.

8.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებნ ხელშეკრულებით ნაკისრი ვალდებულებების შესრულებას.

8.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

8.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით.

9. ხელშეკრულების პირობების და ფასების გადასინჯვა

9.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების საერთო ღირებულების 10%-ზე მეტი ოდენობით გაზრდა.

9.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, მხარეთა უფლებამოსილ წარმომადგენლებს შორის, რომელიც ჩაითვლება ხელშეკრულების განუყოფელ ნაწილად.

10. დავები და მათი გადაწყვეტის წესი

- 10.1. მხარეთა შორის წამოჭრილი დავები შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე.
- 10.2. „შემსყიდვებელმა“ და „მიმწოდებელმა“ ყველა ღონე უნდა იხმაროს, რათა პირდაპირი, არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 10.3. თუ მხარები ვერ შეძლებენ მოლაპარაკების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს საქართველოს სასამართლოს.

11. ხელშეკრულების შესრულების შეფერხება

- 11.1. თუ ხელშეკრულების შესრულების პროცესში მხარები წარწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, დაუყოვნებლივ უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიღლებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

12. ხელშეკრულების პირობების შეუსრულებლობა

- 12.1 მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება, სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.
- 12.2 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 12.3 ხელშეკრულებით განსაზღვრული საქონლის მიწოდების ვადის გადაცილების შემთხვევაში, „მიმწოდებელი“ ვალდებულია „შემსყიდველის“ სასარგებლოდ ყოველ ვადაგადაცილებულ დღეზე გადაიხადოს პირსაგამტებლო ვადაგადაცილებით მიწოდებული/მისაწოდებელი საქონლის ღირებულების 0.2%-ის ოდენობით.
- 12.4. CON170000117 კონსოლიდირებული ტენდერის სატენდერო კომისიის მიერ ხელშეკრულების შეწყვეტის შესახებ მითითების გაცემის შემთხვევაში, „მიმწოდებელი“, „შემსყიდველის“ სასარგებლოდ იხდის საჯარიმო თანხას, კონკრეტული ხელშეკრულებით შესაყიდი (დარჩენილი) საბეჭდი ქაღალდის ღირებულების 5%-ის ოდენობით.
- 12.5. იმ შემთხვევაში, თუ პირგასამტებლოს ღირებულება გადააჭარბებს წინამდებარე ხელშეკრულებით გათვალისწინებული შესასყიდი საბეჭდის მთლიანი ღირებულების 1%-ს, „შემსყიდველს“ უფლება აქვს ვადაზე ადრე შეწყვიტოს ხელშეკრულება.
- 12.6. სანქციების დაწესება არ ათავისუფლებს მხარეებს ძირითადი ვალდებულებების შესრულებისაგან.

13. ხელშეკრულების კონტროლი

- 13.1. ხელშეკრულების შესრულების კონტროლს განახორციელებს ახალციხის მუნიციპალიტეტის მიერ შექმნილი სახელმწიფო შესყიდვით მიღებული საქონლის, მომსახურებისა და სამუშაოების მიღება-ჩაბარების კომისია.
- 13.2. კოორდინატორის ფუნქციებია:
- 13.2.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება.
- 13.2.2. სახელმწიფო შესყიდვების შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება და „მიღება-ჩაბარების“ აქტის გაფორმება.

14. ხელშეკრულების ენა

- 14.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

15. ხელშეკრულების შეწყვეტა

- 15.1. ხელშეკრულება შეიძლება შეწყდეს ერთ-ერთი მხარის ინიციატივით, მხარეთა ურთიერთშეთანხმების საფუძველზე.
- 15.2. ხელშეკრულების 15.1. პუნქტით გათვალისწინებულ შემთხვევაში მხარე ვალდებულია მეორე მხარეს აღნიშნულის თაობაზე აცნობოს წერილობით.
- 15.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.
- 15.4. ხელშეკრულება აგრეთვე შეიძლება შეწყვეტილ იქნეს:
- 15.4.1. ურთიერთვალდებულებების შესრულებით.
- 15.4.2. საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

16. ხელშეკრულების მოქმედების ვადა

- 16.1 გამარჯვებული პრეტენდენტის სატენდერო წინადადება ძალაშია 2018 წლის 30 ივნისის ჩათვლით. ხელშეკრულებით გათვალისწინებული საბეჭდი ქაღალდის მიწოდების ვადა სატენდერო წინადადების მოქმედების ვადას შესაძლებელია აღმატებოდეს არაუმეტეს 13 სამუშაო დღით.
- 16.2 წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის 31 აგვისტოს ჩათვლით.

17. ინტერესთა კონფლიქტი

17.1. სახელმწიფო შესყიდვების შესახებ" საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმომწერნი და კონტროლის განმახორციელებელი პირები სრულად აკმაყოფილებენ ამ კანონის მოთხოვნას და არ იმყოფებიან ინტერესთა კონფლიქტში მიმწოდებელთან.

18. დასკვნითი დებულებები

18.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

18.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

18.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

18.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების შეუსრულებლობის, ხელშეკრულების პირობების დარღვევის შესახებ და ა.შ., თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

18.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

18.6. ხელშეკრულების რომელიმე ნორმის (მუხლი, პუნქტი) ბათილად ან გაუქმებულად გამოცხადება არ იწვევს მთლიანად ხელშეკრულების ბათილობას ან გაუქმებას. იმ შემთხვევაში, თუ ხელშეკრულების რომელიმე ნორმის (მუხლის, პუნქტის) ბათილობის/გაუქმების საფუძველია საქართველოს კანონმდებლობაში განხორციელებული ცვლილება, რაც ამოქმედდა წინამდებარე ხელშეკრულების ხელმოწერის შემდეგ, მხარეების ვთანხმდებით, რომ ამ შემთხვევაში არ არის სავალდებული ხელშეკრულებაში კორექტირების შეტანა შეთანხმებით, ხოლო ბათილად/გაუქმებულად გამოცხადებული ხელშეკრულების ნორმის (მუხლის, პუნქტის) ნაცვლად მხარეები იხელმძღვანელებენ საქართველოს მოქმედი კანონმდებლობით.

18.7. წინამდებარე ხელშეკრულების ფარგლებში მხარეთა შორის ინფორმაციის გაცვლა, შეტყობინების გაგზავნა და ა.შ. შესაძლებელია განხორციელდეს როგორც წერილის გაგზავნით, ისე ელექტრონული ფოსტის მეშვეობით.

18.8. ამ ხელშეკრულებით განსაზღვრული ვადის უქმე ან დასვენების დღებზე დამთხვევის შემთხვევაში, შესაბამისი პირობა უნდა შესრულდეს არაუგვიანეს დადგენილი ვადის მომდევნო სამუშაო დღეს.

18.9. წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.

18.10. ხელშეკრულება შედგენილია ქართულ ენაზე, 4 (ოთხი) ეგზემპლარად, რომელთაგან თითოეულს აქვს თანაბარი იურიდიული ძალა, ამათგან 1 (ერთი) გადაეცემა მიმწოდებელს, ხოლო დანარჩენი 3 (სამი) რჩება შემსყიდველთან. ხელშეკრულებასთან დაკავშირებული ნებისმიერი მიმოწერა უნდა იყოს შესრულებული ქართულ ენაზე.

19. მხარეთა იურიდიული მისამართები და რეკვიზიტები

შემსყიდველის სახელით:

ახალციხის მუნიციპალიტეტის
მერი ზაზა მელქიშვილი



ქ. ახალციხე, კოსტავას ქ. №18
ს/ნ 224101317

ელ-ფოსტა: akhaltsikhemeria@gmail.com
საკონტაქტო ინფორმაცია: 0-365-22-36-16

მიმწოდებლის სახელით:

შპს „პენსან ჯორჯია“
დირექტორი გიგა გობიანიძე



ქ. თბილისი, თამარ მეფის გამზ. N18
ს.ს. „ვი თი ბი ბანკი ჯორჯია“

ბანკის კოდი: UGEBGE22
ანგ. GE35VT6500000055555555
ს/ნ 404870760

ს/ტ ნომერი: 2355844

ხელშეკრულების საგნის აღწერა
შესყიდვის ობიექტია პირველი ხარისხის საბეჭდი ქაღალდი

N	დასახელება და ტექნიკური მაჩვენებლები	განზომილების ერთეული	რაოდენობა	ერთეულის ფასი (ლარი)	საერთო ფასი (ლარი)
1	პირველი ხარისხის საბეჭდი ქაღალდი - Ballet Universal; მწარმოებელი ქვეყანა - რუსეთი; გრამაჟი - 80 (გრ/გ2) სისქე(UM) - 98; სითეთრე (CIE)150; გაუმჭვირვალობა – 92%; სიკაშვაშე – 95%;	შეკვრა (500 ფურცლიანი)	175 შეკვრა	6,30	1102.50
სულ ჯამი დღგ-ს ჩათვლით					1102.50 ლარი

შემსყიდველის სახელით:
ახალციხის მუნიციპალიტეტის
მერი ზაზა მელიქიძე



ქ. ახალციხე, კოსტავას ქ. №18
ს/ნ 224101317
ელ-ფოსტა: akhaltsikhemeria@gmail.com
საკონტაქტო ინფორმაცია: 0-365-22-36-16

მიმწოდებლის სახელით:
შპს „პენსან ჯორჯია“
დირექტორი გიგა გობიანიძე



ქ. თბილისი, თამარ მეფის გამზ.N18
ს.ს. „ვითო ბი ბანკი ჯორჯია“
ბანკის კოდი: UGEGBGE22
ანგ. GE35VT65000005555555
ს/კ N404870760
ს/ტ ნომერი: 0 32 235 58 44